



U skladu sa članom 10. stav (4) Pravilnika o karakteru javnog konkursa i postupku postavljenja državnih službenika u organima državne službe Federacije Bosne i Hercegovine („Službene novine Federacije BiH“ broj 10/25), Agencija za državnu službu utvrđuje

PROCEDURA o postupku elektronske prijave kandidata na javni konkurs putem web aplikacije „eKonkurs“

UVODNI DIO

Član 1. (Predmet)

Procedura o postupku elektronske prijave kandidata (u daljem tekstu: online prijava) na javni konkurs putem web aplikacije „eKonkurs“ (u daljem tekstu: Procedura) uređuje način i postupak podnošenja online prijave na javni konkurs koji Agencija za državnu službu Federacije Bosne i Hercegovine (u daljem tekstu: Agencija) objavljuje na zahtjev organa državne službe i sadržajno upućuje kandidata na pravila za: otvaranje korisničkog računa; podnošenje online prijave putem web aplikacije „eKonkurs“ i učitavanje skenirane dokumentacije; obavještanje o statusu javnog konkursa i druga pitanja u slučajevima kada se online prijava kandidata na oglašena radna mjesta državnih službenika.

Član 2. (Definicije)

Izrazi koje se koriste u ovoj proceduri imaju sljedeća značenja:

- a) **Web aplikacija eKonkurs:** predstavlja web aplikaciju koja omogućava elektronsku prijavu na javni konkurs kao i automatizirano upravljanje: zahtjevima za objavljivanje javnog konkursa, prijavama kandidata, statusu prijave te drugim fazama javnog konkursa kao i kontakt informacijama prijavljenih kandidata i članova Komisije za izbor državnih službenika.
- b) **Online prijava:** jeste elektronski prijavni obrazac koji sadrži sve potrebne elemente propisane u članu 10. Pravilnika o karakteru javnog konkursa i postupku postavljenja državnih službenika u organima državne službe Federacije Bosne i Hercegovine (u daljem tekstu: Pravilnik) uz koji se elektronski dostavljaju i skenirani primjerci dokumentacije kojom se dokazuje ispunjavanje opštih i posebnih uslova za oglašeno radno mjesto na koje se kandidat prijavljuje.
- c) **Korisnički račun:** je vizuelni prikaz ličnih podataka kandidata i informacija u skladu sa konfiguracionim postavkama povezanim sa korisnikom i omogućava personalizovano korištenje usluga informacionog sistema.
- d) **Kandidat:** Kandidat je fizičko lice koje se prijavljuje na javni konkurs za radno mjesto državnog službenika, u skladu sa odredbama Zakona i drugih relevantnih propisa.
- e) **Sekcija (odjeljak, dio aplikacije)** - Širi pojam koji označava određeni dio aplikacije, bez obzira na to kako je vizualno organiziran. Može biti unutar stranice, ekrana ili čak unutar taba.

PODNOŠENJE ONLINE PRIJAVE PUTEM WEB APLIKACIJE „eKonkurs“

Član 3. (Kreiranje korisničkog računa)

- (1) Prije podnošenja online prijave, kandidat kreira korisnički račun putem web aplikacije „eKonkurs“ - <https://ekonkurs.adsfbih.gov.ba>
- (2) Klikom na opciju „Registrujte se“ proces kreiranja korisničkog računa uključuje unos sljedećih podataka:
 - (1) **Ime i prezime** – unos punog imena i prezimena kandidata.
 - (2) **Odabir jezika** – izbor jednog od službenih jezika putem padajućeg menija.
 - (3) **Korisničko ime (email)** – unos važeće email adrese kandidata koja će služiti kao korisničko ime za prijavu na „eKonkurs“ web aplikaciju.
 - (4) **Šifra** – kandidat samostalno kreira šifru, pri čemu mora biti minimalno 8 karaktera duga te imati 1 veliko slovo, 1 malo slovo i 1 specijalni karakter.
 - (5) **Potvrda šifre** – ponovni unos šifre kako bi se osiguralo njeno ispravno kreiranje.
 - (6) **Prihvatanje uslova korištenja web aplikacije** – prije završetka registracije, kandidat mora potvrditi da prihvata uslove korištenja aplikacije i politiku privatnosti klikom na odgovarajuće polje.
 - (7) **Dovršavanje registracije** – nakon unosa traženih podataka, kandidat je obavezan prihvatiti uslove korištenja i politiku privatnosti, te kliknuti na opciju „Registrujte se“. Po uspješnom završetku registracije, na navedenu email adresu biće poslan link sa uputstvom za potvrdu registracije. Klikom na taj link kandidat potvrđuje registraciju.
 - (8) **Prilikom prve prijave u korisnički račun**, na e-mail adresu će biti poslan sigurnosni kôd, koji je potrebno unijeti kako bi profil bio aktiviran. Ovaj sigurnosni kôd se unosi samo jednom i koristi se za potvrdu identiteta kandidata na novokreirani račun.
- (3) Po završetku registracije, kandidat dobija pristup svom korisničkom računu putem kojeg može pratiti dostupne konkurse, podnositi prijave i koristiti ostale funkcionalnosti web aplikacije „eKonkurs“ .

Član 4. (Ažuriranje korisničkog računa za online prijavu)

- (1) Nakon što kandidat uspješno kreira korisnički račun u obavezi je dopuniti lične podatke, u skladu sa članom 10. Pravilnika:
- (2) Podaci:
 - Osnovni lični podaci** – kandidat unosi lične podatke:
 - JMBG
 - Ime i prezime (sistem automatski preuzima)
 - Ime roditelja
 - Djevojačko prezime
 - Datum rođenja
 - Mjesto rođenja
 - Država rođenja
 - Općina rođenja
 - Spol (padajući meni - odabrati)
 - Nacionalnost (padajući meni - odabrati)

- Trenutni radno-pravni status kandidata (padajući meni - odabrati),
- Izjava o stepenu invaliditeta (padajući meni - odabrati),
- Dokumenti: Potrebno je učitati dokumente u skladu sa zahtjevom iz sadržaja javnog konkursa.

Podaci o obrazovanju: Kandidat unosi naziv završenog fakulteta koji odgovara najmanje VII stepenu stručne spreme ili diplomi visokog obrazovanja stečenoj kroz prvi, drugi ili treći ciklus Bolonjskog sistema studiranja, počevši od prve stečene diplome. Kandidat popunjava odgovarajuće rubrike o obrazovanju unosom svih traženih podataka:

- Naziv i sjedište ustanove koja je izdala diplomu
- Naziv i sjedište završenog fakulteta
- Odsjek/Smjer
- Ciklus visokog obrazovanja (padajući meni – odabrati)
- Država: u slučaju da se odabere druga država osim BiH otvorit će se dodatno polje za unos: Naziv organa koji je izdao rješenje o nostrifikaciji
- Stečeno zvanje
- Datum diplomiranja
- Dokumenti: Potrebno je učitati dokumente u skladu sa zahtjevom iz sadržaja javnog konkursa.

Stručni ispit za rad u organima uprave: Odabirom polja o položenom/nepoloženom ispitu, korisnik unosi ostale tražene podatke, kao što su datum održavanja ispita, nadležni organa koji je izdao javnu ispravu te učitavanje dokumenta prema ponuđenim opcijama:

- Položen javni ispit,
- Položen ispit općeg znanja,
- Položen stručni upravni ispit,
- Položen pravosudni ispit,
- Oslobođen od polaganja ispita rješenjem.
- Dokumenti: Potrebno je učitati dokumente u skladu sa zahtjevom iz sadržaja javnog konkursa.

Posebni ispiti: Ovaj dio kandidat popunjava samo u slučaju kada je traženo javnim konkursom.

Posebne izjave: Ovaj dio kandidat popunjava samo u slučaju kada je traženo javnim konkursom.

Radni staž:

- **Pripravnički staž:** Pripravnikom se smatra lice sa završenom VSS koje prvi put zasniva radni odnos u tom zanimanju. Stručno osposobljavanje bez zasnivanja radnog odnosa iz člana 34. Zakona o radu u Federaciji BiH, računa se u pripravnički staž i radno iskustvo. Kandidat popunjava rubrike svim traženim podacima: unos naziva poslodavca, radnog mjesta, datuma od/do i učitavanje odgovarajuće dokumentacije. Kandidatu je omogućeno više unosa.
- **Radni staž u struci nakon sticanja VSS:** Počevši od sadašnjeg ili posljednjeg radnog mjesta, kandidat navodi, svako radno mjesto na kojem je radio/la. Za svako od njih kandidat navodi tačan radni staž, vodeći računa o tačnosti unosa podataka: unos naziva poslodavca, naziva radnog mjesta, datuma zaposlenja (od/do) i učitavanje odgovarajuće dokumentacije. Kandidatu je omogućeno više unosa.
- **Podaci za namještenike:** Unos podataka o datumu zasnivanja radnog odnosa, radnom stažu, potvrdi o položenom stručnom ispitu, kao učitavanje

odgovarajuće dokumentacije

Rad na računaru:

- Office paket: Odabir opcije „Da“ ili „Ne“, unos datuma izdavanja dokumenta, kao i učitavanje odgovarajuće dokumentacije.
- Ostali alati i znanja: Unos alata i znanja, uz specifikaciju datuma sticanja diplome kao i učitavanje odgovarajuće dokumentacije.

Poznavanje stranih jezika: Kandidat unosi nivo poznavanja stranog jezika u slučaju da se traži javnim konkursom, u skladu sa Pravilnikom o dokumentaciji kojom se dokazuje poznavanje ili znanje i aktivno znanje stranog jezika u postupcima sprovođenja konkursa u organima državne službe u Federaciji BiH („Službene novine Federacije BiH“ br. 51/16 i 59/16)

- Odabir stranog jezika (padajući meni – odabrati)
- Poznavanje jezika (padajući meni – odabrati)
- Nivo poznavanja (odabirom opcije poznavanja stranog jezika: aktivno ili poznavanje) otvoriti će se opcije nivoa poznavanja
- Dokazi o poznavanju jezika
- Datum sticanja diplome
- Dokumenti: Potrebno je učitati odgovarajuće dokumentacije

Druge informacije o kandidatu: Polje za dodatne informacije koje kandidat može uneti prema specifičnostima javnog konkursa.

Član 5.

(Podnošenje online prijave)

- (1) Nakon ažuriranja korisničkog računa traženim podacima, isti će biti spreman za podnošenje online prijave.
- (2) U dijelu "*Konkursi*" prikazani su svi trenutno objavljeni javni konkursi. Online prijava se podnosi klikom na opciju "*Online prijava*", nakon čega se otvara prozor s prikazom prijave. Sistem automatski generiše prijavu na osnovu podataka unesenih u korisnički račun, a iste možete pregledati unutar predviđenih sekcija.
- (3) Ukoliko su podaci tačni i ažurni, prijavu kandidat podnosi klikom na dugme "*Podnesi prijavu*". U slučaju da je potrebno izvršiti izmjenu podataka, potrebno je kliknuti na dugme "*Izmjena profila*", ažurirati podatke, a zatim ponovo pokrenuti proces prijave na konkurs.
- (4) Nakon podnošenja prijave, sistem će automatski generisati potvrdu o zaprimljenoj prijavi, koja će sadržavati sljedeće podatke:
 - Datum i vrijeme zaprimanja prijave (npr. 25.02.2025. u 00:00:00),
 - Jedinstveni identifikacijski broj prijave: Šifra kandidata (npr. ppaquxji-25),
 - Naziv konkursa (npr. *Javni konkurs*),
 - Naziv pozicije na koju se kandidat prijavio (npr. *test2025 1*).

Član 6.

(Pregled podnesenih prijava)

- (1) Kandidat može pratiti status spodnesenih prijava putem sekcije "Moje prijave", gdje su dostupni podaci o svim prijavama dostavljenim na objavljene javne konkurse. Pregled sadrži sljedeće informacije:
 - Šifra prijave
 - Naziv konkursa
 - Faza konkursa (prijave u toku; validiranje prijava i dr.)
 - Naziv pozicije za koje je prijava podnesena
 - Status pozicije
 - Ukupan broj neriješenih žalbi,
 - Datum podnošenja prijave,
 - Status prijave (npr. zaprimljena)
- (2) Svaku prijavu moguće je pregledati u detalje, preuzeti u PDF formatu ili, ukoliko je rok za prijave još otvoren i obrisati.

OBAVJEŠTAVANJE KANDIDATA I DRUGE NAPOMENE

Član 7.

(Obavještanje kandidata o urednosti prijave)

- (1) Kandidat će biti obaviješten o formalnom (ne)prihvatanju prijave, kao i o detaljima daljih koraka u izbornom postupku putem web aplikacije „eKonkurs“. Sve relevantne informacije bit će dostupne u dijelu "*Obavještenja*", a sistem će istovremeno slati notifikacije na email adresu navedenu u korisničkom računu kandidata.
- (2) Obavještenja koja se dostavljaju kandidatima uključuju:
 - potvrdu o formalnom prihvatanju prijave,
 - obavještenje o datumu, vremenu i mjestu održavanja ispita općeg znanja i/ili stručnog ispita,
 - obavještenja o eventualnim izmjenama u vezi s organizacijom ispita,
 - obavještenja o poništenju javnog konkursa
 - druge važne informacije vezane za konkursnu proceduru.
- (3) Pregled svih obavještenja koja su kreirana i dostavljena putem web aplikacije dostupan je kandidatu u njegovom korisničkom profilu u sekciji "*Obavještenja*". Kandidat je u obavezi redovno pratiti obavještenja.
- (4) Obavještenje je primljeno onog momenta kada e-mail server kod kojeg kandidat ima otvorenu adresu elektronske pošte potvrdi prijem, bez obzira na to da li je i kada kandidat ostvario uvid u dostavljeno obavještenje.

Član 8.

(Provjera autentičnosti dokumenata prijave kandidata)

1. Agencija zadržava pravo da, u skladu sa važećim propisima koji regulišu konkursnu proceduru, u odgovarajućoj fazi postupka provjeri autentičnost dokumenata prijave kandidata dostavljenih putem web aplikacije „eKonkurs“.
2. Ova provjera obuhvata upoređivanje učitanih dokumenata sa originalom ili ovjerenom kopijom.
3. Ako se tokom postupka provjere dokumentacije pojavi sumnja u autentičnost dostavljenih dokumenata, Agencija će poduzeti odgovarajuće mjere u skladu sa

važećim propisima.

Član 9.

Sastavni dio ove procedure čini vizuelni prikaz postupka otvaranja korisničkog računa i podnošenja on line prijave kao i video uputstvo dostupno na <https://ekonkurs.adsfbih.gov.ba>

Ova procedura stupa na snagu danom donošenja.

Broj: 01-02-5-315/2025
Sarajevo, 04.03.2025.

DIREKTOR
Refik Begić, magistar uprave s.r


Vizuelni prikaz postupka otvaranja korisničkog računa

a) Registracija korisničkog profila

The registration form is titled "Registruj se" and contains the following fields and elements:

- Ime (Name)
- Prezime (Surname)
- Jezik (Language): Dropdown menu with "Bosanski" selected.
- Korisničko ime (email) (Username/Email)
- Šifra (Password)
- Potvrda šifre (Confirm password)
- Checkbox: "I'm not a robot" with a reCAPTCHA logo.
- Checkbox: "Prihvatam uslove korištenja" (I accept the terms of use).
- Checkbox: "Prihvatam politiku privatnosti" (I accept the privacy policy).
- Buttons: "Registruj se" (blue) and "Prijava" (grey).

b) Email potvrda registracije:



c) Vizuelni prikaz prijave u odobreni korisnički profil:

The login form is titled "Prijava" and contains the following fields and elements:

- Korisničko ime (email) (Username/Email)
- Šifra (Password)
- Checkbox: "Zapamti me" (Remember me) - checked.
- Buttons: "Prijava" (blue) and "Registruj se" (grey).
- Link: "Izgubljena šifra?" (Forgot password?)

d) Sigurnosni kôd nakon prve prijave



e) Vizualni prikaz korisničkog profila:



f) Vizualni prikaz unosa ličnih (kontakt) podataka:

Napomena: Obavezno popunite rubriku svim traženim podacima

JMBG	<input type="text"/>
Ime	<input type="text" value="Velida"/>
Prezime	<input type="text" value="Medanović"/>
Ime roditelja	<input type="text"/>
Djevojačko prezime	<input type="text"/>
Datum rođenja	<input type="text" value="25.02.2025"/>
Mjesto rođenja	<input type="text"/>
Država rođenja	<input type="text"/>
Općina rođenja	<input type="text"/>
Rodni identitet	<input type="text" value="--Izaberi--"/>
Nacionalnost	<input type="text" value="--Izaberi--"/>
Trenutni radno-pravni status kandidata	<input type="text" value="--Izaberi--"/>
Izjava o stepenu invaliditeta	<input type="text" value="--Izaberi--"/>

- g) Vizualni prikaz unosa podataka o obrazovanju: *U slučaju da kandidat ima više završenih fakulteta koristi opciju Snimi i unesi novi*

Naziv i sjedište ustanove koja je izdala diplomu	<input type="text"/>
Naziv i sjedište završenog fakulteta	<input type="text"/>
Odsjek/Smjer	<input type="text"/>
Ciklus visokog obrazovanja	--izaberite--
Država	Hrvatska (Hrvatska)
Stečeno zvanje	<input type="text"/>
Naziv organa koji je izdao rješenje o nostrifikaciji	<input type="text"/>
Datum diplomiranja	dd.mm.gggg <input type="text"/>
Dokumenti	Select datoteke... <input type="button" value="Izaberi ..."/>

Podaci o nostrifikaciji popunjavaju se ukoliko fakultet nije završen u BiH ili je diploma stečena u nekoj od država nastalih raspadom SFRJ nakon 06.04.1992. godine

- h) Vizualni prikaz unosa podataka o stručnom ispitu za rad u organima uprave

Napomena: Odabirom polja o položenom/nepoloženom ispitu unesite ostale tražene podatke.

DA, položen Javni ispit

DA, položen Ispit općeg znanja

dd.mm.gggg izdat od ADS FBIH
datum

Dokumenti

Select datoteke...

DA, položen stručni upravni ispit

DA, položen pravosudni ispit

Oslobođen sam polaganja ispita za rad u organima uprave rješenjem

i) Vizualni prikaz unosa podataka o posebnom ispitu:

Napomena: Ovu rubriku popunjavate samo ako je traženo javnim konkursom.

DA, položen ispit za zemljišnoknjižnog referenta

DA, položen poseban ispit za matičara

dd.mm.gggg
datum izdat od

Dokumenti

Select datoteke...

DA, položen ispit za vozača

DA, položen ispit internog revizora za javni sektor u FBiH

DA, položen ispit za zvanje certificiranog računovođe

j) Vizualni prikaz unosa podataka o radnom stažu u struci: unos za pripravnički radni staž; unos za stečeni staž nakon završene VSS i stečeni radni staž na poslovima namještenika u skladu sa članom 66a Zakona.

Prilavnički staž u struci

Naziv poslodavca (Institucije/preduzeća) Datum od dd.mm.gggg

Naziv radnog mjesta Datum do dd.mm.gggg

Dokumenti

Radni staž u struci nakon sticanja vss

Naziv poslodavca (Institucije/preduzeća) Datum od dd.mm.gggg

Naziv radnog mjesta Datum do dd.mm.gggg

Dokumenti

Podaci za namještenike

Napomena: Ovaj dio popunjavate samo ako se na javni konkurs prijavljujete u statusu namještenika. Obavezno popunite rubriku svim traženim podacima.

Datum zasnivanja radnog odnosa u organu državne službe
datum dd.mm.gggg

Radni staž
Broj potvrde/uvjerenja dd.mm.gggg
datum izdat od

Položen stručni ispit za namještenika
Uvjerenje broj dd.mm.gggg
datum izdat od

Ukupan radni staž u statusu namještenika nakon položenog stručnog ispita za namještenike
dana/mjeseci/godina dd/mm/gg

Dokumenti

Select datoteke...

k) Vizualni prikaz unosa podataka za rad na računaru:

Office paket

Da

dd.mm.gggg

datum

Izdavalac dokumenta kojim se dokazuje poznavanje označenih računarskih alata

Dokumenti

Select datoteke...

Izaberi ...

Ostali alati i znanja

+ Dodaj

l) Vizualni prikaz unosa podataka o poznavanju stranog jezika:

Strani jezici

Strani jezik

--izaberite--

Poznavanje jezika

aktivno znanje stranog jezika

Nivo poznavanja jezika

B2

C1

C2

Dokazi o poznavanju stranog jezika

--izaberite--

Datum sticanja diplome (provjere znanja)

dd.mm.gggg

Dokument

Select datoteke...

Izaberi ...

Snimi

Snimi i unesi novi

Zatvori

Ij) Vizualni prikaz o načinu podnošenja prijave:

Prijava na konkurs

- Prijava
- Lični podaci
- Kontakt informacije
- Podaci o obrazovanju
- Stručni ispit za rad u organima uprave
- Posebni ispiti
- Posebne izjave
- Staż
- Rad na računaru
- Strani jezici
- Druge informacije o kandidatu
- Dokumenti

Vaša prijava na konkurs će automatski biti kreirana na osnovu podataka iz vašeg profila koje možete provjeriti na sljedećim tabovima. Ukoliko su podaci ažurni prijavu možete podnijeti klikom na dugme Podnesi prijavu. U slučaju da želite napraviti izmjenu podataka kliknite na dugme Izmjena profila, a nakon toga napravite novu prijavu na konkurs.

Izjava kandidata

Pod punom, moralnom, materijalnom i krivičnom odgovornošću izjavljujem da:

- nisam pod optužnicom Međunarodnog tribunala za bivšu Jugoslaviju u Hagu i da nisam odbio povinovati se naredbi da se pojavim pred Tribunalom) član IX.1. Ustava BiH, član 25.stav 1.tačka f) Zakona o državnoj službi u FBiH (Zakona);
- nisam otpušten/a iz državne službe kao rezultat disciplinskih mjera na bilo kojem nivou vlasti u Bosni i Hercegovini u roku od tri godine prije dana objavljivanja upražnjenog radnog mjesta u «Službenim novinama FBiH» (član 25.stav 1.tačka e) Zakona);
- protiv mene nije izrečena disciplinska mjera suspenzija prava učestvovanja na javnim konkursima za unapređenje u državnoj službi, a čije trajanje nije isteklo do krajnjeg roka za podnošenje prijava na konkurs
- ne obavlja dužnost, djelatnost niti sam na položaju koji dovodi do sukoba interesa sa dužnostima državnog službenika (član 19. Zakona);
- ne zauzimam nekretninu u vlasništvu izbjeglica ili prognanika niti zauzimam stan za koji je izbjeglica ili prognanik podnio zahtjev za povrat stanaarskog prava, niti zauzimam stan koji bi trebao biti pod upravom općinskog organa uprave zaduženog za stambena pitanja i koji bi trebao biti korišten u svrhu alternativnog smještaja (Član 17. stav 5 Zakona);
- ću u određenoj fazi konkursne procedure, na zahtjev Agencije za državnu službu FBiH, dostaviti sve originale ili ovjerene kopije dokumenata kojima dokazuje istinitost izjava i tvrdnji u ovom obrascu;
- su svi moji odgovori na gore navedena pitanja, kao i ova izjava, istiniti, potpuni i tačni, što potvrđujem svojim potpisom.
- saglasan/a sam da Agencija za državnu službu Federacije Bosne i Hercegovine, moje lične podatke kao i dostavljenu dokumentaciju, u ovom javnom konkursu, može obrađivati dok za postoje objektivni razlozi.
- saglasan/a sam da Agencija za državnu službu Federacije Bosne i Hercegovine može koristiti navedenu elektronsku adresu (e-mail adresu iz prijave) za obavještanje o statusu konkursa/prijave na koji sam se prijavio/a.
- razumijem da ću u okviru ovog konkursa biti praćen pomoću šifre koja mi je dodijeljena u okviru platforme "ekonkurs" i da zbog toga treba da je čuvam do okončanja konkursa.

Potvrđujem da su svi moji navodi u prijavnom obrascu tačni uključujući i ove izjave

[Podnesi prijavu!](#) [Izmjena profila](#) [Zatvori](#)

Poštovani/a Ve** * * *

ObavještaVamo Vas da je Agencija za državnu službu Federacije Bosne i Hercegovine putem "E-prijava" aplikacije, dana 25/02/2025 00:00:00 godine zaprimila Vašu prijavu pod šifrom broj: ppaqxj-25 na Javni konkurs test2025 NOVA UREDBA broj: 01.01 za poziciju test2025 1

O statusu Vaše prijave bicete naknadno obaviješteni.